

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 133. stav 2. Poslovnika Skupštine Zeničko-dobojskog kantona-Novih prečišćeni tekst („Službene novine Zeničko-dobojskog kantona“, broj: 7/12), Vlada Zeničko-dobojskog kantona, na 5. vanrednoj sjednici, održanoj telefonskim putem dana 06.12.2012. godine, d o n o s i

ZAKLJUČAK

I

Vlada Zeničko-dobojskog kantona utvrđuje Amandmane I. i II. na Prijedlog Izmjena i dopune Budžeta Zeničko-dobojskog kantona za 2012. godinu, koji glase:

„AMANDMAN I.

U članu 2. Prijedloga Izmjena i dopune Budžeta Zeničko-dobojskog kantona za 2012. godinu, u dijelu B. RASHODI I IZDACI, na strani 8., u dijelu „Tekući transferi neprofitnim organizacijama“, pod rednim brojem 78., naziv pozicije „Tekući transfer za finansiranje klubova poslanika političkih stranaka i samostalnih poslanika“, zamjenjuje se nazivom „Tekući transfer za finansiranje političkih stranaka, koalicija političkih stranaka i nezavisnih poslanika.“

AMANDMAN II.

U članu 3. Prijedloga Izmjena i dopune Prijedloga Budžeta Zeničko - dobojskog kantona za 2012. godinu, na strani 11., na razdjelu 10, budžetska organizacija 01, potrošačka jedinica 0001 - Skupština Kantona, naziv pozicije „Tekući transfer za finansiranje klubova poslanika političkih stranaka i samostalnih poslanika“, zamjenjuje se nazivom „Tekući transfer za finansiranje političkih stranaka, koalicija političkih stranaka i nezavisnih poslanika“.

II

Zaključak sa obrazloženjem u kome su sadržani razlozi zbog kojih se utvrđuju podneseni amandmani upućuje se u dalju skupštinsku proceduru.

III

Zaključak stupa na snagu dana 05.12.2012. godine.

Broj: 02-_____/12.
Datum, 06.12.2012. godine
Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo finansija,
1x Stručna služba Skupštine,
1x a/a.

O B R A Z L O Ž E N J E

I. PRAVNI OSNOV:

Pravni osnov sadržan je u članu 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) i u članu 133. stav 2. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12).

II. RAZLOZI ZA UTVRĐIVANJE:

Dana 27.11.2012. godine objavljen je Zakon o finansiranju političkih stranaka (“Službeni glasnik BiH” broj: 95/12), koji u članu 7. na nešto drugačiji način uređuje pitanje finansiranja političkih stranaka, koalicija političkih stranaka i nezavisnih poslanika, u odnosu na Budžet Zeničko-dobojskog kantona za 2012. godinu i član 21. Zakona o izvršavanju Budžeta Zeničko-dobojskog kantona za 2012. godinu.

S obzirom da se Zakon o finansiranju političkih stranaka (“Službeni glasnik BiH” broj: 95/12) primjenjuje za decembar mjesec 2012. godine, jer stupa na snagu 05.12.2012. godine, odnosno jedan dan prije održavanja sjednice Skupštine Zeničko-dobojskog kantona na kojoj je planirano razmatranje Izmjena i dopune Budžeta Zeničko - dobojskog kantona za 2012. godinu, s tim u vezi predlažu se Amandman I. i II. na navedeni akt, a kojima se naziv „Tekući transfer za finansiranje klubova poslanika političkih stranaka i samostalnih poslanika“, zamjenjuje nazivom “Tekući transfer za finansiranje političkih stranaka, koalicija političkih stranaka i nezavisnih poslanika.”.